

مکتبۂ ادبی و سیاسی


❁ ادبی و سیاسی رسالهٔ اسبوعیه در ❁

۳۱ نهمی سنه

۲۶ شوال ۱۳۲۹

❁ پنجشنبه ❁

جزء و عدد : ۱۱۷



آلمان و انگلیز پولیتیکه سی

عصر اخیر تاریخی ، ولو سطحی اوسون تتبع ایدیلیرسه ظاهر اولورکه بزه آلمانیا و آلمانلر هیچ بر وقت ، هیچ بر صورتله اثر مودت کوسترمامشلردر . ذاتاً آلمانیایی شکل حاضرنده توجید و تمیل ایدن پروسیه دولتی ، قرق سنه اول عادتا روسلره حدودده غاردیانلق وظیفه سی ایفا ایدر و مسلک استبداد پرورانه سی ایجابی اوله رق هر زرده داعیه آزادی ایله استحصال حقوق حریتیه قالدیشلدیغنی ایشیدیرسه ، در حال تبعه سینک قولاقلرینی سلاح شاقردیسبله تغلیط ایلمک ایستردی . ۱۸۶۲ ده کی لهستان اختلالنده اتخاذ ایتدیکی طور هر کسک معلومیدر .

فرانسه یی مغلوب ایدوبده ۱۸۷۱ ده آلمانلری (امپراطورلق) آلتنده جمع ایلدکن صکره ایسه ، روسلرک تطیب خاطر ی ایچون شرق ایشلرینه ده مداخله یه باشلادی . حتی صکره لری : (کرید مسئله سی بر (پومه رانیا) فرینک هدر اولسنه دکه جک قیمتی حائز دکلدر ا قولنی ایراد ایدن بسمارق ، ۱۸۷۸ ده برلین قونفره سنه ریاستله موسقوف مطالب و منویاتنه وساطت ایتک ایسته مش ایکن بر بیهقونسفیلد ، بسمارقک کندینه مخصوص اولان فظاظت بیان ایله اظهار ایتدیکی عظمتر و شلغه ، انگلیزلرک مخصوص بر اعتدال دمله و فقط متئذده مندیج اولان قوت و متانتله مقابله ایدرک ، هم تشبثات خودسرانه سی عقیم براقش ، همده اجل موعودینی تعجیل ایتک ایستدیکی دولت عثمانیه یی ، اومستبد قوی دستدن مردانه خلاص ایش ایدی .

اگر عبدالحمید ، مؤخرأً انکلیزلره قارشى التزام ایلدیکی مسلک نانگورانه ده دوام ایتمیوبده میدان آلمانره قالماش اولسه ایدی، دولت عثمانیه بو گونکی بلالره هیچ بر وقت ، وهله اثر حیات کوستردیکی شو عهد تجدیدنده اصلاً گرفتار اولمازدی . بزى بوگونکی موقع مشکلمزه القا ایدن پولتیقه ، بی شبهه آلمان پولتیقه سیدر . ایآلیانک طرابلسه تخطیسی انکلیزلره فرانسزلرک اثر تشویقی اولدیغنی روایت ایدبورلر . بو شایعه ستر حقیقت ایچون صالیوریلان اکاذیبدن معدوددر .

تان غزته سی کچن بر نسخهنده دیمشدی که :

« یکنی هیئت وکلا رئیس سعید باشایله آلمانیک درسمادت سفیری بارون مارشال فون بیرشتاین آرسهنده جریان ایدن مکالمه ، حادثه نك صلحاً تسویه سندن آلمانیک هنوز نومید اولدیغنه مدار استدلال اوله بیلیر . اختلافك اندفاعنه آلمانیک پك زیاده آرزودار اولسنی آکلارز . شوقدرکه آلمانیا اوچ سنه ظرفنده سلطنت عثمانیه ایکنجی دفعه اوله رق بلا نزاع بر ایالت قیمتدارنی ترک ایتمسنى توصیه ده بولمغه مجبوریت کورمکده در، که بومعامله سی کندینجی ترکله شهلی بر دوست کوسترمه چک وئنه علیه بوده برچوق مخاذیر تولید ایله چکدر . »

فرانسزلرک بوافشاسی اثر غرض عد اولنسه بیله حادثات جاریه دن ینه حقیقت حالی استدرک ممکندر .

عقیب مشروطیتده بوسنه - هر سئک التحاقی آلمان اثری تشویقی اولدیغنی تسلیم ایتمسه ک بیله ماده التحاقک امر واقع حالنی آلمسنه آلمانیک آوستریایه جسارت بخش اوله جق اطوار اظهار ایتمش اولسی انکار قبول ایتمز حالدرنددر . حتی دیه بیلیرز که عبدالحمیدک آلمانیا ایمراطور و ایمراطورلغه تأمین ایتمدیکی منافع لایخصایه ، مشروطیتک خاتمه چکه چکندن امین اولان قیصر ایکنجی و بیللم ، بوسنه - هر سئک التحاقدن طولانی مملک عثمانیه ده مشروطیتی زیر وزیر ایده بیله چک هیجان و غلیان ظهورینی بیله امید ایتمشدر .

استبدادک تمثال مشخصی اولان بو پرنس ، عبدالحمیدک شخصندن و طرز حکومتدن بمنون اولمامش اولسه بیله اروپاده اصول مشورتله اداره اولنور بر حکومت معظمه ده پیدا اولسنی بر درلو هضم ایده مزیدی . آنک ایچون بنای مشروطیتغزه ، هنوز تازه ایکن سبب اندراسی اوله جق هر هانکی بروسه بیله یه عن صمیم طرفدار اوله جفنده شبهه یوقدر .

حال بویله بر حادته نك وقوعی قیصر حضرتلری ایچون نعم المطلوب ایدی .
حتی ۳۱ مارت حادته سنی ، قیصر حضرتلری خواب حضورنی ترك ایدرك
ساعت بساعت تعقیب ایلشدی . شبه یوقدرکه بومراق اندیشه آور حادته نك
مشروطیت علمینده پذیرای ظفر اولسی آرزوی شدیدندن ایلری کلمشدی .

تان غزته سی دیگر بر فقره سنده افادات آتیه بی سرد ایلور :

« ترکر آلمانیا به ابدال ایلدکری نیمور بولاری امتیازلری ، افوام ناریه
مبایعه سی ، سفائن سیارش واشتراسی ، مهات حربیه جلی ، الحاصل آلمانیا به تأمین ایلدکری
لایعد ولایحضا منافعی ، بودولنك اوچ سنه اول بوسنه - هر سك التحاقده اولدینی گبی ،
طرابلس غرب ولایت جسیمه سنی ده دیگر بر متفق یولنان ایتالیا به ترك خصوصنده بذل
وصرف ابتدکی نصایح ووصایا ایله بی اشتباه مقایسه وموازنده بولنه جقدر . ایشته
بوسیلادرکه بارون مارشال جنابلرنك درسعادتده ایفاسنه مأمور اوله جفی وظیفه پك مشكل
و ناز گدر . »

تانك افاده سنه نظر آ آلمانیا ایلر بسمارق لرینك تعبیر مشهوری اوزره (ناموسلی
سیمسار) وظیفه سنی اجرا ایتمکده اولان - و بزه قالیرسه بوترکیك فقط کله
تانیه سنه تطبیق افعالده بولنان - سفیر لرینك پکده ماهرانه اطلاقه شایسته اولمیان
عادی اتتریق لرینك تأمین ابتدکی وایدجکی منافعه حصر مقصد ایتمکده ومشتیریلری
اولان بز ترکرلی غائب ایتك ایستماکله برابر متفق لرینك ده منفعتنی تأمین
چالشقمده در .



طرابلس حادته سنده آوستریا لرك نظری ایسه آلمانیا نك مسلمانکه قطعاً
توافق ایتمز . اولاً آوستریا بالقان مسئله سینك زمان تطبیق هنوز حلول ایتدیکنه
قابل اولدیغندن ، شراره حربك اروپا قطع سنه صحرامسنی ایسته مز ، بو دولت ،
هیچ بر وقت تبدیل ایتك ایستمدیکی مترنخ مسلك سیاسیمنه بومسئله ده دخی اتباع
ایله اتخاذایده جکی خط حرکتك تعیننی ظهور اتدن بکلیه جکی گبی ، بر طرفدن دخی
- زبون اراداتی اولدینی متفق قویسنکه - بوسنه - هر سکی سایه سنده تملك ایتمکده
شبه ویرماتک ایستر . بناء علیه ایتالیا نك قزانجه الندن کلسه مانع اولمق آرزو
ایلر . چونکه هنوز حل اولنماش (طرانتینو) مسئله سی وارد که ایتالیا کسب

عظمت ایتدیکه، تعبیر دیگرله ایتالیا، اتفاق مثلندن مستغنی بولنه جق بر موقع احراز ایلدیکه بومسئله نك حادث اولمئسندن قورقار .



روسیه لیلردن بومسئله ده نه بکنه بیلیر ؟ واقعا موسقو پولتیقه سی شرقلیلره مخصوص خواص مردانکی بی بعض احوالده محافظه ایدم بیلیر . باخصوص منفعت مأمول ایتدیکی حالده بالطبع مردانه بر مسلك طومسی مأمول اولنور . فقط بولت دخی تلافی مافاة ایتک ایستر . آنک ایچون هر دقیقه بدأ ایتسی ملحوظ اولان انحلال عمومی عثمانی به صبورانه حصر نظر ایتمش ؛ استفاده اسبابی تدارکله ذوقیاب اولمقده در .

شمذیک بوغازلر مسئله سی سعید پاشا قاپنه سینک یدش سیاسته بر تحفه نوین اوله رق تقدیمه حاضر لمقده در .



فرانسزلره کلنجه: بوقوم، مدنیت حاضر مه بر لکه عار اولان ایتالیا تجاوزات حقوق شکنانه سندن طولایی بحق دلگیر و متأثر اولمقله برابر، عثمانیلرک - عبدالحمیده منحصرون - آلمان پولتیقه سی دور مشروطیتده دها واسع بر مقیاسده اتخاذ و قبول ایتدکرینده منفعل اولدقنلرندن و خصوصاً اشلاف، مثلثله، اتفاق مثلاً آره سنده (تره دونیون - خط وصل) تشکیل ایتملری اعتباریله هرابکی طرفکده آماننه اتباع مجبوریتده بولندقنلرندن، شمذیکی حالده بزه مظاهرت فعلیه ده بولنه مازلر، مع مافیه مطبوعاته ایفادن خالی اولمدقنلری القاءات ایله افکار عامه بی عثمانیلرلرله اماله خصوصنده بیه آثار انسانیت ابراز ایتمکده درلر .



شو حاله کوره قاله قاله دست مظاهرتیه صاریله جق یالکیز برانکلتزه قلمقده درکه بودولتده وکلای حاضره سنک پولتیقه تاریخنده هیچ امثالی کورلماش بر موقع مستثنا بخش ایدن دور اندیشه انه احتیاطکارلقنری حسبیله اورویایه سرایتندن قورقیلان بوبحران بلانک دفعنه فعلاً تشبیه آنجق استانبولده فوق العاده بر مسلك

مدبرانه و معقولانه اختیارینیه متوقف کور مکده و شمیدی حالده دوردن سیرجی اولمقده در .

عجبا سعید پاشا ، انکلیز لولک امید استدیکی مسلک مدبرانه بی اتخاذه قدرتیاب اوله بیله جکمیدر . مشارالیهک مشهور اولان فطانتیه و خصوصاً بعضی غندنده تجارب سیاسیهده کی مهارتیه نظر آهر در لو تدبیر و احتیاط ایله حرکت امید اولنه بیلسدهده انکلیتریه امنیت بخش اوله بیلسی پکده مأمول دکلدر . چونکه ایستتر زمانک اجباری و ایستتر کندیستک فطانت مجبوله سی سایه سنده اولسون ، بوگون دولتک قوه متصرفه سی مقامه کچن بوذات ، تداییر و تشبثاتنده منفرد قالدیجه ، و رفقای اولان وکلا ، آکا معین اولمق خصوصنده اوصاف مطلوبه بی حائز بولمقدیجه تأمین موفقیت ایده من اعتقادنده بز .

دیملک که بوگون طرابلس غرب حادثه سنده بزده — مفلوجلر کچی برانین جانخراشدن بشقه — هیچ بر حرکت فعلیهده بولمق امکانی قالمامشدر .

ابوالضیا

